

十朝东华录

雍正朝第四函

函六册

秋七月辛卯湖廣內閣凡各省地方有穀米或米價昂貴者必係其地上年荒歉所致今歲楊文乾奏廣東米貴駐防兵丁有不許巡撫減糧之事宜兆熊毛文銓又奏福建閩米有土棍搶米之事此二省上年俱奏糧豐收並未云荒歉也且據黃國材稱福建穀足有一百六十餘萬石而毛文銓乃奏請於江西採買米石朕已降特旨令江西運米十五萬石往福建平糶然黃國材謂福建有米而毛文銓則求米於鄰省觀此則當日兩人之交代種種不清可知矣滿保黃國材在福建多年諸事善於掩蓋彌縫或毛文銓被其所愚耳至福建廣東二省地處極邊米穀應作何貯備著九卿會議具奏尋議福建地處海濱興泉漳四府人多田少皆仰給臺灣之米自嚴禁奸商販米出境之後民食常苦不足雍正二年奉旨飭發臺灣倉穀每年碾米五萬石運赴泉漳平糶今請再動正項錢糧運米十萬石存貯邊海地方至臺灣商販任許至福泉等府貿易其米船出入海口設禁巡防應令該督撫另行詳議至廣東近經總督孔毓珣以潮州穀少不足碾米給兵惠州穀多又不能出陳易新請援惠州府倉穀平糶將價銀解交潮州府買穀存貯實費多益算之良法應令該督撫將通省倉穀照此斟酌令其多寡得宜以備民食再粵西梧州二府與廣東接壤運米甚多先經巡撫汪漣奏稱桂林等四府所有捐穀糶三價值不必轉糶還倉請將銀解部經戶部議准在案應將此穀價仍買穀石運交廣東分貯州縣亦足以補益倉儲從之○乙未湖南巡撫布蘭泰奏衡山縣知縣張翼觀劇飲酒不行轉解人犯並不接受民間詞狀應請革職得旨張翼各款俱屬應參之事但稱不肯接受詞狀此語甚屬錯誤誤民間詞狀虛妄者多一概接受必啟刁民誣告健訟之端此風斷不可長若以收受詞狀之多寡定屬員之賢否則必致以此相向生事滋擾矣○丁酉諭吏部道府等官有表率屬員之責必得賢能諳練之員方於地方事務不致貽誤朕慎重官方雖州縣等官皆審酌補用而於道府尤為加意審知其人才識足以勝任者不輕試用捐例候選人員初任者多於地方事務從未經歷一旦昇以道府驟膺民社未必遽能稱職暨至不稱職時督撫糾參反受黜革情亦可憫嗣後凡係捐例候選道府人員俱著補授各部郎中令其學習辦理至應升道府時令各該堂官保送引見○戊戌諭直省督撫布按等居官立身之道自以操守廉潔為本但封疆大吏職任甚鉅洪範所稱有猷有為有守三者並重則是操守者不過居官之一節耳安民察吏興利除弊其道多端備但恃其操守博取名譽而悠悠忽忽於地方事務不能整飭經理苟且塞責姑息養奸貽害甚大蓋此等清官無所取於民而善良善感之不能禁民之為非而豪強者頌之故百姓之賢不肖皆稱之無所取於屬員而亦不能禁屬員之不法故屬員之賢不肖者皆安之大臣之子弟親戚犯法則姑容而不行參革地方之強紳劣衿生事則寬貸而不加約束故大臣紳紳皆言其和平而望其久留甚至胥吏作奸而不能懲盜賊肆行而不能察故自胥吏至於盜賊皆樂其安靜而不欲其去任暨至事務廢弛朝廷訪聞加以譴責罷斥而地方官民人等羣然歎息以為去一清廉上司為之稱屈此則平日摸稜悅服違道干譽之所致也且操守平常者其心既不敢自恃心懷畏懼頗能整頓理事務不

致曠廢朝廷又留心時時訪察一有不善即加懲戒而在朝之官員暨伊屬下之官吏紳衿人等皆伺察其過不肯爲之隱諱是以此等之人貽累於地方者尙輕而潔己沽譽之巧宦貽累於地方者更甚也夫操守雖清而皆顧惜情面一味遷就求容悅於人自使內外之人譽之者多若操守既更勝於他人而又能實心任事整飭官民不避嫌怨因而遂不滿眾人之意或謗其苛刻或議其偏執或譏其驕傲故意吹索加以評論此風若不悛改必至封疆大吏皆以實心任事整理地方爲嫌相率而爲苟且之計吏治何所倚賴乎朕深望爾等爲明體達用之全材而深惜爾等爲同流合俗之鄉愿故諄諄誥誡誠不憚周詳此春秋責備之義勉之慎之

○調適柱爲吏部右侍郎以明圖爲工部右侍郎哲先爲內閣學士

由通政使達

中選

○張令璜緣事降調以王沛懷爲吏部右侍郎劉師恕爲

左副都御史

由通政使達

○己亥諭吏部朕從前曾下諭旨各省道府州縣之居官好者命總督保舉三人巡撫保舉二人提督布政按

察二司各保舉一人密封具奏不得互相商議原以通省人才不少保舉多者不過二三人少者僅一人諸臣於所素知者各拔其尤自然精確督撫提督布按二司皆朝廷大吏受國家深恩自應體朕爲天下得人之意不徇私情秉公薦舉乃其中竟有挾私妄舉者及來京引見俱極庸陋殊非人臣以人事君之義今各員俱已引見爾部可再行文與各省督撫布按二司除從前曾經密舉及朕特旨補授各員外督撫暨布按二司各於道府州縣中明舉一人不得雷同督撫自行題奏布按二司咨呈爾部文到日爾部即繕摺具奏被舉之州縣官員並令給資來京引見保舉之道府官員不必來京如有挾私任情草率濫舉者朕必從重治罪斷不姑容○浙閩總督高其倬奏閩省米價騰貴見撥溫台二府倉穀七萬石運往接濟更請於江南淮安等處採買二麥運閩平糶得旨朕因福建米價騰貴已降旨令江西巡撫運米十五萬石前往閩省以濟民食又令九卿酌議閩廣積穀之法今覽高其倬所奏備極周詳李衛又能實心辦事不分彼此均甚屬可嘉著照高其倬所請行並星速行文江南山東二省巡撫即遣能員協同辦理如高其倬差員未到該撫可借支錢糧豫爲買備務令速發以濟閩省之用○甲辰奉使閩河內閣學士何國宗等條奏河道事宜得旨河南小丹河一件何國宗等與田文鏡稽曾筠兩議具奏何國宗等乃一己之見田文鏡稽曾筠身在地方所見必確著照田文鏡稽曾筠所議行其山東疏濬泉源一件何國宗等議設管泉通判一員甚是著照所請行山東挑濬馬頰徒駭二河前經陳德信差委道員徐德倣辦理此處工程緊要徐德倣不稱此任著御史尤清王之錡各管一處聽陳世倌調度不得自立意見其高家堰加修隄工關緊緊要若於歲修案內逐漸增修恐致遲緩著照何國宗等所議即動正項錢糧作速估計興修著九卿會議具奏尋議一河南百泉洹河丹河之水民資其利惟三日清運一日灌田之舊制實屬有名無實查百泉原分三渠中爲官渠東西爲民渠東口門寬四尺四十西口門寬二尺六寸請將東口加寬一尺一寸西口加寬九寸其洹河請自石橋東第十洞許民於需水之際自築石壩開渠引水其西三十三洞盡行疏濬則灌田濟運均有攸賴應如所請至小丹河斗門何國宗等請加寬一丈六尺副總河嵇曾筠河南巡撫田文鏡議稱恐山水直下一時瀉洩不及不便拆造惟將小丹河上下之淤塞二渠口門量爲開寬使小丹

開山水分灌民田其在內之三十六口門並皆堵塞俾水勢壅入衛河於漕運有礙應遵旨照舊管均田文鏡所議一山東運道全賴泉源輸請令州縣官時加疏濬其額設果夫因地酌加增減有能辦出所求者酌給銀米以示獎勵又獨山湖東水土壩南陽湖石閘張穀山口草場皆以蓄水濟運宜加謹修防一徒駭馬頰二河乃東省運道蓄水之支河宜相機挑濬昂津趙牛等支渠水道係民間溝洫宜於農隙之時令地方官督率民夫挑挖均應如所請一高家堰土隄工程緊要若候歲修恐致遲緩應遵旨即動正項錢糧作速興修一恩縣四女寺請建滾水壩一座博平縣運河西岸修復進水閘二座東岸建滾水壩一座濮州境內舊於沙河會趙上河之虛築有土壩向北開引河以分其勢請將土壩修築並開濬引河其河西州縣聽民開通水道匯入沙河於運道民生均有裨益一膠萊新河兩岸民田被水俱藉以宣洩宜開濬深通一濮州等處之魏河聊城等處之洩水河宜聽民開自行挑挖武城縣運河北岸恩縣運河北岸請各挑引河一道均應如所請至所奏柳長河請一例聽民開挖之處查柳長河工程浩大民間果否願行開挖應行令總河巡撫另行妥議具奏從之○乙巳諭內閣前命鄂爾奇繆元往直隸清查州縣倉穀今據奏稱直隸倉穀穀弊端種種無非地方官巧為掩飾虧空之計向來直隸倉穀虧缺甚多朕知之甚悉各官惟恐敗露故設計彌縫詳請借糧此等州縣官員若仍留原任將來假公濟私那新掩舊必至刻剝小民虧欠正項而地方倉廩始終不得清楚可將巧稱倉穀出借各官悉行解任著吏部將投供到部候補候選之州縣官俱帶來引見朕親自選定人數其鄂爾奇等已經到過之正定順德大名廣平保定五府所屬贊皇等二十一州縣著即將揀選人員掣籤發往鄂爾奇等未到之永平宣化順天三府所屬之二十一州縣俟伊等到被查出有出借倉糧者即咨吏部令籤掣人員前往代之以以上各州縣借出之穀俱著解任之官員自行催還以一年為限限內全完者仍准即行另補若先期速完者隨到隨即另補逾限不還者治以那移虧空之罪如此則虧空之員不得復居見任挾制小民那移出納而接任之員交代井然又無前後不清之項若果係糾欠在民按數催還其原官仍可另補於公私均有裨益又鄂爾奇等奏稱阜平贊皇等處違例將穀借給兵丁向來有無借給兵丁之例著九卿查明具奏聞直隸各處倉廩久未修理傾圮者多著李紱嚴飭各屬設法速行修整尋議米穀原無借給兵丁之例或貪乏兵丁於青黃不接時該管官出具印文借支季米至支放秋糧時扣還今贊皇等處借給兵米應令該督會同該管總兵官查明再嗣後直省州縣遇借給民糧之時或有兵丁需借米穀者該管官印領借給於支兵糧時扣還儘有私領冒領私給擅給等弊各按律治罪庶兵丁無匱乏之虞倉穀亦免濫給之弊從之○諭大學士等據弘春所奏阿其那曾得過允禔銀二十萬兩塞思黑於康熙六十年曾得過允禔銀六萬兩阿其那偽為矯廉而利允禔之貪惡以供其多取廉潔之人乃忍心害理至於此乎且得銀如此之多不審從前何功於允禔而當之不愧嗣後何以酬其贈而受之不疑至塞思黑當康熙六十年得撥敘家之銀已百餘萬而允禔尚以六萬兩予之塞思黑竟受之均屬可詫著將弘春此奏及順承郡王問阿其那同奏之語一併與滿漢各衙門觀看○丁未諭內閣從來流言之傳播皆起於好究之徒

欲擾亂政事顛倒是非故造作無稽之語煽惑人心流布遠近間或國家舉行一事因流言而中止而造作之人益自以爲得計肆其伎倆此等爲害不可勝言朕卽位以來外間流言有謂好鈔沒人之家產者有謂輕聽風聞之言以爲黜陟用舍者不得不以其惑曉諭眾人知之從前貪贓犯法之官盡國殃民罪大惡極卽立置重典不足以蔽其辜但不教而殺有所不忍故曲宥其死已屬浩蕩之恩若又聽其以貪婪橫取之貲財肥身家以長子孫則國法何存而人心何以示儆况犯法之人原有籍沒家產之例是以朕將奇貪極誅之員鈔沒其家產以備公事賞資之用此等兇惡之人本身應正典刑家產鈔沒妻子皆當遠徙者朕皆從寬赦免而止於鈔沒其贓私尙保其性命卽本人稍有人心應知感恩戴德何得因鈔沒而生怨望乎且朕臨御以來覃敷恩澤蠲免錢糧不下數百萬兩賞資兵丁及各地地方興利除患所費亦不下數百萬兩皆中外所共知者夫以額徵錢糧及內庫帑金爲數如此之多朕尙毫無吝惜豈反爲此貪官污吏些微之財物以敗小人之議論乎卽如年來鈔沒之人不過是年羹堯薩丕李英貴何廷圭等及阿其那塞思黑等門下最用事爲非之人耳此皆奸惡顯著之徒法無可貸有何屈抑而爲之不平乎至謂朕喜聽風聞之言以爲黜陟用舍此語亦屬愚昧蓋因十數年來人情多詐每遇薦舉參劾多有情弊不出公心重負我 聖祖仁皇帝集思廣益之至意是以 聖明洞鑒隱微不輕聽信於是懷私者既畏懼而不敢言謹愼者又避嫌而不肯言彼此緘默遂成積習朕卽位以來常思 聖祖仁皇帝以天衷聖人臨御六十餘年一切政治經 宸衷獨斷無不盡善若朕則辦事之初必須公聽並觀盡去壅蔽庶能合於機宜而又恐大小臣工有所牽制而不敢直言有所瞻顧而不便明言是以令其密摺具奏及發與廷議有裁去本人姓名者無非欲諸臣無所回護直言無隱使下情盡能上達利弊悉能周知全無壅蔽之患承享昇平之治也至於密奏中薦舉參劾者朕原未常輕信必細細留心訪察確有證據眾論僉同然後加以黜陟用舍未嘗因一人之奏而卽定其人品見諸施行不知者以爲輕聽風聞而朕則慎重周詳務求實蹟也以上流言二事皆係阿其那塞思黑允祿允禩等同黨之小人心懷私忿故造狂悖之語蠱惑人心擾亂國政更有一種貪贓犯法之徒畏懼鈔沒參劾是以造作此語傳播遠近希冀因流言而停止自古治天下之道發政施令止論理之當行事之當行與否悠悠之口何足爲憑朕之此心可以對越 皇考可以對越 上天可以告天下億萬臣民而一二奸邪小人乃欲挾其如鬼如蜮之伎倆以惑眾聽而撓公事朕豈肯絲毫爲此輩流言所動乎天下之人奸惡者少而善良者多造作流言者少而誤聽流言者多彼奸惡之徒造作流言實自作之孽儻經緝獲按律在所必誅此外善良之人當共知朕心勿爲邪說所惑其偶行鈔籍也實於懲貪罰惡之中尙寓寬仁之意其廣行採訪也實欲收好問好察之益以爲政治之資朕之宵旰憂勤無非爲國是民生思久安長治之計天下之人豈忍聽宵小狂悖之言而忘君上高厚之恩哉○諭貴州紳家苗肆行不法十餘年來擾害平民朕知之甚悉石禮哈方署巡撫卽務卽奏稱應行征剿馬會伯到任亦奏與石禮哈相同朕恐石禮哈年少盪浪用兵之事不可輕舉未卽允行何世璠到任則奏稱苗人應行招撫不必用兵而武員好大喜功貪圖議敘且仲家苗葉贊

營科地勢險阻亦不易於成事等語丁士傑所奏大槩亦與何世璠同朕曾下旨與何世璠即令其招撫而何世璠並不能有所招撫及高其倬到京亦面奏應行征剿以靖地方朕又降旨與鄂爾泰亦奏稱用兵爲是以令石禮哈馬會同辦理然此事甚有關繫朕心時時慮念今據石禮哈奏報谷隆長寨者貢羊城等處俱已攻破首惡阿罕阿給及爲從兒苗川販等亦俱就擒朕心甚爲喜悅何世璠未必能審究此案著將各犯交與鄂爾泰審究分別定議並安插撫恤使地方永遠甯謐不受惡苗之擾一經理具奏石禮哈俟事竣照例議敘外今先沛特恩著將伊父石文煒革職之處復還以示朕賞功推恩之意○諭刑部國家立法本以懲兇暴之徒而因事原情則時深憫之念書云有過無大刑故無小所以斟酌權衡用廣好生之德也朕慎重刑罰矜恤下民每遇讞鞫之案往復披覽至再三求其可生之路當見各直省命案內或緣細事起爭或因護親情愆或已經退避而毆者勢不相容或本意恐嚇而誤傷者遂致莫救其誤傷之中有經報官保辜者亦有未經保辜者有延至數日殞命者亦有延至數十日殞命者當其爭角之時止知乘憤直前豈計因傷致斃按律抵罪法所當然但念當堂愚氓因一朝之忿頓罹重罪每詳問案情朕心實爲不忍且秋審時凡情輕之案多以情可矜原減等發落今特沛殊恩予以自新之路見在各省具題到部已未入秋審案內除情由可惡者不准寬免外其餘一百七十七名俱著釋放分別有力無力照追埋葬銀兩給付死者之家此朕格外生全浩蕩之恩爲舊例之所未有凡茲小民當體朕宥刑有過之慈懷身受者力圖改悔以贖前愆旁觀者愧感提撕時存儆醒父訓其子兄勉其弟比閭族黨互相勸勉各安本業不犯土章則是朕之法外加恩與小民之望外受恩均爲移風易俗之美事僅以爲法網寬恕希圖倖免不改其好勇鬪狠之習重負朕牘民遷善之心則格外之寬典豈能屢邀而異日之追悔亦屬何益爾部將此行文各該地方官徧行曉諭務使鄉里愚民盡皆知悉○辛亥 御書忠敬誠直勤慎廉明扁額賜怡親王諡大學士九卿翰詹科道等朕自卽位以來怡親王事朕克殫忠誠至純至恪事事爲朕實心辦理而朕委任之處甚多約畧舉之職掌之大而且繁者有九議政關繫機密戶部掌領度支三庫總理出納興修畿輔水利以厚民生管領漢侍衛以育人材至於諸王子之事務舊邸之事務以及督領圓明園入旗守衛禁兵養心殿監理製造鉅細事件皆一人經畫料理而怡親王公爾志私視國事如家事處處妥帖能代朕勞不煩朕心蓋其忠君親上之念肫懇篤摯是其忠也小心兢業無纖毫怠忽是其敬也精白一心無欺無僞是其誠也直言無隱表裏如一是其直也龜龜奉公夙夜匪懈卽如今王雖身抱痾疾而案牘紛紜披閱不倦朕聞之實至於不忍是其勤也一舉未嘗放逸一語未嘗宣漏是其慎也清潔之操一塵不染是其廉也見理透徹莅事精詳利弊周知賢愚立辨是其明也是以朕特書忠敬誠直勤慎廉明八字賜之惟朕深知王之德洞悉王之心覺此八字實不能盡其美善亦無一毫過量之詞若有一字不確不切是朕之頒賜非嘉獎之詞乃譏諷之語矣朕不爲也且朕賜此八字乃就怡親王事朕之大端而言至於王之當年侍奉 皇考極盡誠孝深蒙 皇考之慈愛而其居心之方正秉性之和平待人之寬厚遇下之仁惠種種善行筆不勝書朕觀爾等在朝諸臣於

忠勤慎明四字尙多有之若敬誠直廉四字朕則未能輕許向後咸當勉礪以副朕望○諭內閣從前江西巡撫裴率度以該省州縣虧空係民欠居多請交與接任官徵催具奏今聞德安縣知縣蕭彬虧空並互揭知府李敬熙監驛道孫蘭必詐贓一案司道揭報後裴率度遲延兩月始行題參又武甯縣廖科齡已參虧空之後知府張景偉查伊任內已徵未解地丁等項銀六千餘兩捏稱有民欠可抵申報裴率度不行確查將虧空徇庇官員續參反令知府代完銀四千兩餘銀勒令新任知縣方聲亮出結認徵夫以已徵在庫知縣虧空之項重複徵之於民若百姓依限完納則有一糧再輸之累或接任催徵不前勢必那新補舊冀免處分見收錢糧又致虧空將來彼此那移及離任盤查之日皆以民欠藉口國帑虛懸州縣牽累似此者直省不計其數裴率度身任封疆理應將此等積弊釐剔清除乃為虧空之員蒙蔽巧隱令知府徇私料理以沽寬厚之名殊乖大臣公忠之道此事須派欽差前往將此二案徹底審究前候補知府王景望條陳請令抑勒交盤者毋庸揭報上司直揭部科轉咨督撫審結報部如後任枉揭者嚴加治罪等語此處著九卿會議具奏尋議嗣後州縣抑勒交盤者許揭報督撫題參或督撫司道護庇離任之員知府顧慮分賠抑勒交盤者許直揭部科備接任官容隱不報者將欠項坐令賠補其出揭之員調任他省上司有多方誣陷者許赴都察院呈辨庶交代積弊可除州縣侵蝕漸少從之○命孫柱奏筵俱專管兵部事以查納納為吏部尙書仍管內務府總管事楊名時為吏部尙書仍留雲南巡撫任○以兵部尙書法海協辦禮部尙書○宗人府議奏平郡王訥爾素在西甯軍前貪婪受賄應永停俸祿得旨訥爾素行止卑污貪劣素著及著大將軍印務更肆婪賂索詐地方官銀兩朕向即聞之因訥爾素與允禩不和朕意與允禩相善之人故為播揚欲傾陷訥爾素所以未即深究治罪且加恩令辦理上駟院事務乃伊並不追悔前愆仍犯法妄行情屬可惡若仍在王列則於諸王有玷著將訥爾素多羅郡王革退在家園禁其王爵令伊子福彭承襲○甲寅增壽綠事革職調常保為盛京工部侍郎轉明圖為工部左侍郎以哲先為工部右侍郎桑格為內閣學士○乙卯吏部遵旨議覆保甲之法十戶立一牌頭十牌立一甲長十甲立一保正其村落崎嶇及熟苗熟獐亦一體編排地方官不實力奉行者專管兼轄統轄各官分別議處再立民間勸懲之法以示鼓勵有據實首告者按名數獎賞隱匿者加以杖責應通行直省以文到半年為限有能舉首盜犯者免罪其從前未經發覺之案地方官即行揭報者亦免議處至盜案疏防文武各官處分除山海大盜土獐蠻苗及響馬老瓜等賊勢難擒捕者文武官照舊例處分若盜至十人以下者文職照例處分外武職各官酌量分別寬減惟未獲盜首者專汛官仍照定例處分得旨依議通行各省文到半年為期其追著以一年為限○丙辰吏部議准浙江巡撫李衛奏湖州府烏程縣所屬之烏鎮地方界聯二省三府接近太湖易藏奸宄請將湖州府同知移駐烏鎮以資彈壓從之○戊午諭內閣朕昨覽湖廣安陸府屬有一縣名鄖係景陵二字見之心甚不安該省督撫不具奏請改於心獨安乎此縣名著內閣擬改請旨尋內閣撰擬具奏得旨善改為天門縣○己未諭刑部律載鬪毆成傷定有保辜之限所以重民命也被毆之人受傷雖重尙可醫救一經移動勞頓冒風或致殞命嗣

後關毆傷重者禁止移動著問理衙門委官親詣驗看使被毆之人得以安臥醫救不至誤傷性命其應如何定例通行之處著三法司詳議具奏尋議凡京城內外有關毆傷重者該衙門即委官親詣驗傷就取確供定限保辜其被傷之人攪赴衙門驗傷之處承行禁止違者將該管各員治罪從之○禮部題河南杞縣壽民蕭俊德年屆一百十八歲應照例給銀三十兩建坊得旨蕭俊德年過百齡之外實屬希有之事著於定例賞賜坊銀外加增兩倍共賞銀九十兩以示特恩嗣後年至一百一十歲者加一倍賞賜一百二十歲者加兩倍更有多得壽算者按其壽算加增著爲定例○刑部等衙門審奏天津州民郭允進擅造狂悖不經之語肆行誹謗太逆不道應凌遲處死得旨郭允進捏造悖逆之詞詛毀朕躬尙無叛逆實蹟著照部議將謂朕因怒而加以極刑矣郭允進著改爲立決梟示

八月庚申朔諭吏部戶部直隸地方旗民雜處猾吏舞文太監威屬散處州縣兼皇莊王公等莊屯全在其間地方官往往掣肘今直隸虧空倉糧四十二州縣特行揀選人員命往令其清理倉庫整飭地方但直隸書吏積弊凡新官到任一切文卷悉行藏匿州縣官因限期嚴迫急而求之方始取出由是墮其術中以後事件皆任其把持爲害甚大州縣官能鉤致其隱而重置之法者不可多得錮弊相仍朕知之甚悉已諭令總督李紱嚴查但流弊既久命往各官徹底清查必需時日一切案件勢難依限完結恐有遲延之虞著將直隸各州縣見在欽部案件一年之內暫行寬限庶各員得以從容釐剔積弊可除再直隸州縣太監之父兄弟姪在地方不無生事本人亦未必盡知可令該州縣大事照例詳報總督具題小事徑報內務府內務府傳該太監曉諭令其自行約束如仍不悛改內務府即酌量懲治內府大糧莊頭並諸王大臣莊頭如有生事梗法之處大者仍申報總督具題細微事件屬內務府者申報內務府懲治其餘莊頭人等申報都察院轉行各該管官員懲治不必奏聞再畿輔重地理宜嚴肅乃近來盜案較他省居多定例強盜不分首從皆斬立法甚嚴當年聖祖仁皇帝法外施仁凡有盜案命大學士會同三法司覈擬止將爲首起意並傷人之犯擬斬餘俱減等發落乃不法之徒不思感激愈肆玩法甚屬可惡自雍正五年初一日爲始直隸盜案事發仍照舊例不分首從皆斬直隸盜賊不盡係直隸之人著行文各省督撫出示徧行曉諭使皆知所畏懼毋致自投法網如此於彈盜似有神益此次命往人員果能清理錢糧擒拿盜賊不畏強禦設或被入挾嫌誣陷致遭參處者赴都察院控告都察院即代爲奏聞如果屈抑朕必爲伊等主張斷不令無辜受累也○辛酉諭八旗大臣等侍郎一官係辦理部務大臣職任與副都統相等嗣後按班坐立之處俱令在滿洲副都統之次蒙古漢軍副都統之上○癸亥諭直省督撫等數十年來各省錢糧虧空甚多朕曾降諭旨寬限三年令督撫催追完項至今未見有奏報料理就緒者惟原任直隸總督李維鈞曾於去年奏稱各屬地丁銀兩俱已彌補惟倉穀尙畧有缺欠冬春之間即可補足及去秋畿輔水澇歉收須用帑石賑濟而倉穀存者甚少今夏遣官訪查各屬虧欠一一顯露倉穀如此則庫帑之虧缺可知矣李維鈞之罪誠無所逃據此則

省之錢糧不能清楚顯然可見該督撫等特遲緩不行奏報耳

又如各省虧空動稱無著之項夫錢糧未經徵收則欠在民已經徵收而有虧空則欠在官州縣力不能完則上司有分賠之例本人雖已病故而子孫有應追之條何得藉口無著以虛國帑從前彌補虧空皆指俸工銀兩及朕有旨不許捐輸俸工則皆稱以耗羨抵補夫耗羨亦出於民乃不問當日督撫等所以致此虧空之由而動稱耗羨彌補以百姓之脂膏飽有司之豁鑿豈朕憫惜元元之至意乎今特佈寬恩凡各省虧空未經完補者再限三年務須一一清楚如屆期再不全完定將該督撫從重治罪如有實在不能依限之處著該督撫奏聞請旨又如前年原任浙閩總督滿保曾具摺奏稱梁龍任內虧空銀六萬兩係聖祖仁皇帝南巡時所用臣不便露此情事彼時朕即批示云當年皇考南巡屢降諭旨絲毫不取給於地方凡行在所需悉由內府豫備食用等物俱發官價採買賞資銀兩皆從司庫支給嚴禁地方有司不許與厄從人員交結往來私相餽送違者以軍法從事立法甚為嚴切即或修理一二處行宮亦皆本地地方情願豫備而所費亦屬有限何至虧空至金厯二十年之久不能清結我皇考及朕所行之事無不可告天下臣民其當年南巡時如何費用之處爾可據實直陳而滿保理屈詞窮不能回奏蓋此等銀兩皆當日地方官結交匪類餽送知交暮夜鑽營恣意花費及至虧空敗露則動稱因南巡時用去伊等違背皇考聖旨擅動公帑以結私交目無國法其罪已不容誅而又敢藉口南巡將虧空之故推卸於君上以寬己罪此尙得謂有人心者乎又如山西河南兩省昔年虧空甚多俱稱應辦軍需所致凡軍需所用皆有正項錢糧何至累及地方有司此皆平日地方官不能大法小廉下吏侵漁上司需索以致國帑久虧反借支應公事之名以掩其侵盜之實深可痛恨嗣後直省督撫等當祇遵朕訓仰體朕心共矢公忠盡除舊習以副朕委任封疆之意○賑湖南臨湘岳州等縣衛水災饑民○乙丑諭內閣數年以來蔣廷錫協同怡親王辦理戶部事務秉公執正釐剔諸弊甚屬盡心而胥吏宵小徇私作弊之人未必無疾妬懷怨者今蔣廷錫入閣典試或乘此造作謗言妄加謗議亦未可定科場關繫大典若閩中閱卷果有不公許應試舉子赴都察院控告奏聞若有不軌之徒假捏污蔑之詞以洩私憤而撓公事則國法斷難寬宥著步軍統領及順天府府尹五城御史密訪嚴拿參奏從重治罪○雲南巡撫管雲貴總督事鄂爾泰奏滇黔大小文武各官謹實據所知開閱進呈諭治天下惟以用人爲本其餘皆枝葉事耳覽卿之奏非大公不能如是非注意留神爲國家得人不能如是非虛明覺照不能如是朕實嘉之但必明試以功臨事經驗方可信任即歷經幾事亦止可信其已往猶當留意觀其將來萬不可信其必不改移也卿等封疆之任古諸侯也閩省竊伺投其所好往往掩其不善而著其善粉飾欺隱何所不至惟才之一字不能假借凡有才具之員當惜之教之○諭停今年秋決○丁卯登先師孔子先師之行禮祭畢諭禮部侍郎三泰太常寺卿孫卓曰儀注內開獻帛進酒皆不跪朕今跪獻非誤也若立獻於先師之前朕心有所不安可記檔案以後著照此遵行○戊辰歲內閣從來直隸江南兩省盜案多於別省是必有爲首積盜糾合匪類巧於漏網各州縣被竊之處雖多而奸猾之盜首不過數人窩藏之巢穴亦不過數處而已畿輔之地爲四方觀瞻豈可聽習小之潛藏任有司之疏忽李賊職司表率安可漠不關

心可速飭屬員嚴加緝捕務令得其根柢以清盜源若仍前疏忽定將李紱治罪並諭直隸提鎮等官各飭弁員稽查防汎以靖地方毋得疏縱自干罪戾在京步軍統領衙門及巡捕營弁五城御史司坊官員各宜盡心緝訪以副詰姦弭盜之職○已巳 上御經筵○吏部議奏署理大學士事務戶部尚書徐元夢繙譯本章錯誤應革職交部治罪得旨徐元夢在內廷行走多年從寬免其交部著革職在內閣學士之列辦理票籤本章一切繙譯事務效力行走○賑湖廣武左等縣衛水災饑民○河南巡撫田文鏡奏報瑞穀得旨據田文鏡奏進豫省所產嘉穀有多至十三穗者此實罕見之事大凡為督撫者果能殫心竭力為國為民必能感召天利化災稔而成豐稔前歲畿輔偶旱李維鈞奏稱欲用法術祈禱比時朕即降旨止之蓋無實心實政感格上天而仗法術以為祈求焉有感應之理又如畿輔地方常有水患怡親王親身相度悉心籌畫為國為民之念實為誠切故今歲六七月間大雨時行之際直隸地方雨澤調勻凡開濬修築之處皆得施工而禾麥又復豐登民生樂業豈非至誠感通之驗乎朕非以地方之事卸責於督撫凡屬督撫皆朕簡用之人若督撫盡心於地方則是朕用得其人伊之功即朕之功若督撫不盡心於地方則是朕用非其人伊之過即朕之過督撫受朕深恩委以封疆重寄乃悠悠忽忽不加意於吏治民生而轉令朕代為受過清夜捫心亦忍為之乎督撫若有此等不但伊身難逃國典即冥冥之中子孫亦必受譴罰勉之慎之○癸酉解許容任以塞欽為陝西按察使由戶部調○甲戌添設內閣漢侍讀二照滿洲蒙古漢軍侍讀品級投為正六品○庚辰裁山西朔平府總捕理事同知旗民爭訟事務歸併朔平府糧餉同知兼管○辛巳諭內閣各處監督俱由該部院堂官保舉派出之後著原保題之堂官時加訓誡訪察若有劣蹟計據實參奏免其治罪儒由別處發覺則將原保題之人一併治罪如此部院堂官必慎加揀選而派出之監督亦知所畏懼不敢妄行矣○壬午兵部議准奉天將軍噶爾弼奏旅順口至鳳凰城水程幾及千里止有旅順水師一營請添設水師營三處每一營兵丁三百名各設佐領一防禦二駙騎校三令其管轄連絡巡哨以固海疆從之○癸未召張楷來京陛見加長蘆鹽運使陳時夏布政使銜署江蘇巡撫○召甘汝來來京陛見以韓良輔署廣西巡撫由提督署○召圖理琛來京陛見以岳鍾琪兼署西安巡撫由川陝總督兼署○乙酉傳龍綠事革職以王朝恩為盛京戶部侍郎由內閣學士題○丙戌諭諸王大臣內閣九卿等朕 皇考聖祖仁皇帝三年大禮已滿朕追念罔極 深恩欲於 皇考忌辰每歲遵照三年以內祭祀之禮永遠舉行恭讀祝文用申誠悃朕受 皇考教育慈恩至深至厚終身永慕無有窮期豈三年禮制之所能限況天下億萬臣民感戴 皇考深仁厚澤六十餘年自古帝王罕能比並一切禮儀亦非定制所得拘也朕舉行此禮乃自展其思慕誠切之衷至與舊制相合與否朕皆不遑計及此禮亦惟朕躬特行之於我 皇考後世子孫不得奉為成例其應行禮儀著該部定議具奏○諭內閣國以民為本民以食為天朕即位以來念切民依舉行耕藉之禮俾竭精誠為民祈穀於上帝乃雍正二年三年藉田特產嘉禾有至一莖九穗者朕心亦以為偶然之事今據府尹劉於義進呈今歲藉田所產自一莖雙穗三穗以致八穗九穗皆碩大堅好異於常穀朕見心甚慰悅特令宣示廷臣朕並非以此為祥

瑞誇耀於眾也蓋實有見於天人感召之理捷於影響無纖毫之或爽朕以至誠肫懇之心每歲躬耕藉田以重農事即蒙上帝降鑒疊產嘉穀以昭休應似此八穗九穗之穀豈人力所能強為亦豈人君所能強之使有乎天人感應之理朕見之最真最切但恐此心不誠耳誠則未有不動者即如從前青海蠢動朕為邊陲憂慮虔禱於宮中不數旬而捷音即至疆宇寧謐又如前歲夏間近畿雨澤稍愆朕在宮中默禱減膳修省虔誠叩懇不數日而甘霖渥沛禾稼有秋此皆近年以來朕親行親驗之事至去年夏秋之間時常陰雨而李維鈞並不將畿輔被潦實情具奏是以朕未嘗為虔禱禱竭誠心以挽天意而紓民困及蔡班署直隸總督事務詳悉奏聞朕宵旰憂勤幾廢寢食於是截漕發倉多方賑濟京城設廠各邑興工俾窮民皆得餽日是以前地方雖被水災而小民不至流離失所今歲二麥豐收禾黍暢茂此皆上天俯鑒朕衷故加惠黎元而錫以盈甯之慶也蓋天生民而立之君鑒觀在上人君一念敬謹政事無關天必嘉之佑之一念放逸政事有乖天必儆之戒之此一定之理也況人君撫馭臣庶位處極尊所以實觀之者獨有上天耳是以朕每於水旱等事皆實心內省至於各省旱澇之事朕皆事同一體原無彼此之別惟是地方相隔路遠彼地偶有水旱有司未必即行具報及至奏達朕前而緊急之時已過是以朕無從盡其誠心為之所禱此其責則全在本省督撫矣督撫受朕委任之事為朕養育萬民必視百姓之疾苦如痛癢之在己身一遇水旱饑饉必思所以致此之由或因本省之政事吏治有關即思速為改易之或因本地之人心風俗不端即思速為化導之兢兢業業修省祈禱竭盡誠心一如朕之朝乾夕惕斷無不可以挽回天意者假若聞朕之政治稍有闕失亦即直言陳奏不必隱諱如此則官與民聯為一體臣與君又聯為一體太和翔治實意交孚天聽雖高誠呼吸可通矣朕每歲躬耕藉田並非崇尚虛文實是敬天勤民之至意禮曰天子為藉十畝諸侯百畝據此則為耕藉之禮亦可通於臣下矣朕意欲令地方守土之官俱行耕藉之禮使知稼穡之艱難悉農夫之作苦量天時之晴雨察地方之肥磽如此則凡為官者皆時存重農課稼之心而凡為農者亦斷無苟安怠惰之習似與養民務本之道大相裨益著九卿詳議具奏○諭吏治惟在得人而各省有司員缺甚多非廣收博取不足備庶官之位故數年以來各省官員經朕揀選命往者亦多然當其揀選之時或見其奏對明白舉止從容或見其條陳事宜似屬可採遂入於揀選之中命往各省以試用之又有奉旨特用之員大約因督撫上司等薦舉保奏朕召來引見見其才具可用遂加擢用以鼓勵之此等人員朕不過取拔於臨時並未嘗試驗於平日實不知其居心行事何如也伊等蒞任後自應倍加敬謹勉為良吏方不負朕格外之恩若自恃為揀選特用之員傲上陵下恣意妄行而該管上司以為朕所揀選特用之員不加約束委曲寬容則大非朕激清吏治整飭官方之意矣朕以大公之心撫馭萬方凡屬臣工止論其居官之賢否以為進退豈以部選揀選常用特用分別異視有所偏向凡為督撫者宜深知朕心切勿以其為揀選特用之員有意優待而姑容之儻居官不善即據實參奏不為隱蔽不涉瞻徇如此則人皆知儆官皆得人而於吏治大有裨益矣○諭朕欽恤刑獄每遇讞決無論罪之輕重必在臬司酌理再三推求務使情罪允協又念罪人幽囚叢棘易致疲弊屢

諭問刑衙門修整監獄督責禁卒不時灑掃潔淨遇有疾病必加調治務令痊可此亦矜恤罪囚之一端也乃近聞各書本章監範人犯不少多由舊禁之處踰牆倒斃以致嚴寒酷暑侵骨剝肌潮溼穢惡氣薰傳染之故也況監獄不固防禦多疏罪人越獄脫逃亦所不免特飭各直省督撫通查所屬監獄逐一修葺並高築牆垣以資防範其地勢低窪者改造高厚之處狹隘者酌量刑獄鑿鑿展寬蓋造凡枷號等處之門戶食所亦必繕治完固正印官仍不時稽查毋令獄官獄卒任意陵虐懈弛疏防如此則罪人不致疾病而監禁豈固亦可免越獄之虞該督撫俱各仰體朕好生至意督令有司遵行毋忽○丁亥直隸總督李紱以塞思黑於八月二十四日病故奏報 上召諸王大臣等入諭曰今日李紱奏報塞思黑病故塞思黑素性奸惡行止陰邪當日與阿其那允禩允禔結為死黨與其妻父七十及蘇努阿靈阿等互相固結潛蓄邪謀助塞思黑肆惡無所不為在 皇考時種種不孝之罪難以枚舉及 皇考升遐之日朕正在哀痛之際塞思黑突至朕前箕踞傲慢而坐意甚叵測 皇考大事之中凡祭奠行禮之處塞思黑從無涕泣悲戚之狀顯露怨望辭色朕知其素行兇殘若留在京必生事端是以發往西甯居住伊在途並無悔過之意與伊子副什澤及勒什亨等一路嬉笑如常毫無畏懼且與允禔等舊日邪黨仍不解散起身之日收受允禔馬匹私相往來及到西甯之後寄與允禔書信有機會已失追悔無及之語視朝廷如同敵國造作字樣巧編格式密縫於麻夫衣襪之內暗傳信息又數十年前有一山西無賴生事之窮民流落在京塞思黑欲收為心腹令伊太監幫助銀十兩其人心感激思恩及塞思黑居住西甯其公然到伊寓所投遞書帖稱願輔有道之主不附無道之君欲糾合川陝兵民以救恩主等語乃塞思黑聞此大逆無道之語不但不行出首且向其人云我兄弟無爭天下之理並屬勿令楚宗知之唯恐其人受累似此狂悖妄亂包藏禍心日益加甚其罪難以悉數又如伊在西甯時將伊所用太監撤回京師伊每人賞與金條及西洋金表等物皆貴重難得之物是伊獲罪之後尙私買人心目無國法肆行無忌諸王大臣等屢次奏請即行正法以彰國憲朕心尙在遲回不忍即定因其不便再留西甯故令伊回京治罪伊一路毫無改悔戒謹之心談笑如常因復令暫禁保定以觀其行止前李紱奏稱伊患腹瀉之疾比卽降旨令李紱揀選名醫調治不料伊惡貫滿盈獲罪 天 祖已伏冥誅可見善惡之報捷如影響似此不忠不孝大奸大惡之人雖未受國法亦不能逃天譴也著李紱為伊料理棺殮殮之事俟其妻子家口從西甯搬回保定之日再行奏聞請旨又諭塞思黑病故著尙書法海馳驛馳往西甯將塞思黑之妻子家屬盡行帶至保定府著派太監二人隨法海前往約計塞思黑妻子何時可到保定府豫先奏聞朕另有旨又諭朕從前差胡什禮前往帶領塞思黑回京伊並未請旨私與楚宗商議擅將塞思黑用三條鎖鎖繫彼時奏聞之際朕將楚宗等摺奏發諸王大臣等公看並將塞思黑鎖繫之處詢問諸王大臣據諸王大臣會稱塞思黑係獲重罪之人應當鎖繫等語及胡什禮到京回奏述李紱有俟塞思黑一到我便宜行事之語朕聞之駭異斷以為不可特命胡什禮星馳前往諭之又於李紱奏摺中硃批嚴飭之李紱奏稱並無此語胡什禮楚宗從前不待朕之諭旨私將塞思黑鎖繫後又故意將鎖寬鬆任其脫卸

曾經李紱奏聞彼時朕即欲將胡什禮楚宗等治其任意之罪又恐眾人不知或因此謂朕欲寬待塞思黑或因此謂朕欲加嚴於塞思黑又致妄存意見是以暫行停止未留究問今塞思黑既伏冥誅則從前胡什禮楚宗等擅將塞思黑上鎮後又私自寬釋明係有意欺罔罪不可道著將胡什禮鎮擊交副都統御史常泰帶往保定並將楚宗鎮擊一同明白嚴審具奏即將二人留於保定候旨○戊子諭諸王大臣等阿其那塞思黑罪大惡極天下共知諸王大臣等屢請將伊等即行正法以彰國憲朕意遲回不忍卽定今塞思黑已伏冥誅昨聞奏朕心惻然今欲將阿其那從寬曲宥諸王大臣等以爲何如著各秉忠誠陳奏並詢直省將軍督撫提鎮等亦令其各抒己見具奏○己丑諭諸王大臣等朕將塞思黑之事交與楚宗楚宗始初所奏一二事件尚有實心竭勉效力之意朕料伊久在軍前年齒加長必能改易前行用加信任以殊恩乃楚宗將一二事件致朕信任未久遂奏稱塞思黑邀買人心大有關繫斷不宜處之極邊應擊送京城禁錮等語似此明係見民人合孤士義之投書流言因而具奏恐嚇朕躬楚宗係專守塞思黑之人將令孤士義之投書流言並塞思黑與西洋人穆經遠從窗牖出入時常計譖如許事件妄亂行爲之處盡爲隱匿不行奏聞及朕明降諭旨伊知塞思黑罪惡深重斷不能逃於法網乃欲自蓋前愆將塞思黑從西大通解來保定時並未奉朕諭旨擅將塞思黑鎖拿以見毫不徇情之意且既稱鎮擊自應實在加以鎖鈕又復虛應故事可以脫卸是屬何心再塞思黑一切事件已有旨交與李紱矣伊又行攪越將塞思黑之親隨四人另行拘禁他處楚宗之行爲甚是悖謬情殊可惡著交與常泰嚴行審明具奏○是月免瀾州水災額賦有差

九月壬辰以李成龍爲正白旗漢軍都統宜北熊爲湖廣總督

附編州

○癸巳宗人府參奏固山貝子滿都護屢犯大罪不知悔改

應革去固山貝子禁錮高牆得旨滿都護從寬免其國禁著革去固山貝子授爲鎮國公所屬之佐領俱著撤出○命直隸督撫及府州縣有司耕藉○乙未裁甘肅屬之平涼固原慶陽臨洮河州蘭州岷州七衛西固一所各千總缺歸併各州縣管轄○丙申諭內閣錢文乃民間日用之所必需向因錢價昂貴朕心籌畫至再至三今鼓鑄之錢日增而錢文不見其多錢價仍復不減是必奸民圖利有銷毀制錢打造器皿之事若不禁止銅器則錢價究不能平嗣後除三品以上官員准用銅器外其餘人等不准用黃銅器皿定限三年令將所有黃銅器皿悉行報出官給應得之價如旗人則於本旗交官領價漢官民人則於五城該管之處交官領價不論輕重多寡隨便收買不許發價之人絲毫扣剋違者重治其罪若三年之後仍有私藏黃銅器皿者亦加重處如此可永杜毀錢制器之弊而國寶流通民用充裕實爲有益著九卿確議具奏○丁酉宗人府參奏旗人虧空帑項不能賠者入辛者庫乃係定例該旗王公並無謝恩之例輔國公阿布蘭從前訛取常泰之子銀兩今又越例妄奏應革去公爵仍行禁錮得旨阿布蘭革退輔國公禁錮之處暫行寬免將所屬佐領俱著撤出○戊戌重九節上御乾清宮西暖閣召皇子諸王大學士以下各官九十四人賜宴賦柏梁體詩○己亥淮關監督年希堯奏奏原任監督慶元食婪劣蹟得旨慶元莅任年餘朕聞其聲名不好曾屢次詢問

張大有令其據實陳奏張大有堅稱慶元秉公奉職商民皆便朕又詢問馮楷亦稱慶元居官甚善朕以二人陳奏之言自屬可信故將慶元留管准關稅務今隨年希堯奏慶元劣蹟多端商民含怨則從前張大有張楷徇私妄奏可知年希堯所奏慶元款蹟及伊不法之家人俱交與黃炳齊蘇勒審理○順承郡王錫保奏阿其那染患嘔證前於初一日奏聞奉旨將阿其那用心調養欲食之物悉著給與臣遵旨令太監給與調養至初五日阿其那病勢加增不進飲食初十日病故報聞○庚子以塞楞額署山東巡撫

由禮部左

○辛丑降工部左侍郎圖為內閣學士○王寅諭內閣張楷由道員拔至巡撫理應感恩報效乃到任以後惟務沽

取虛名於地方事務全不經心料理朕降旨訓飭而伊奏稱臣有潔己愛民之心無振作有為之能大凡愛民之政莫大於察吏緝盜張楷在任縱容不肖官吏鹽梟盜賊為害地方朕訪知貪劣不職官員指名令其參奏伊始行參奏朕訪知鹽梟私販指名令其緝拿伊始行緝拿數年來裨益地方之事無一可稱乃公然以愛民自誇於君父之前又潔己二字乃朕獎勵臣下之語張楷何得

以此自居乎且為大吏者激濁揚清興利除害皆職分以內之事朕不知如何謂之振作如何謂之有為朕之諄諄訓誨者不過欲地方大吏各勉其職各盡其道以為息事甯人之本何嘗以苛刻為能察察為明而令督撫等生事以滋擾乎以朕綏靖地方之心

而張楷視為煩擾地方之事其意不過欲姑息優容得宵小之歡心而不顧國家之法度使名歸於己而怨歸於上尚得謂之知君臣之大義乎著將張楷革職鎖鑰嚴審定擬○以鄂爾奇為工部左侍郎

由禮部

○甲辰諭內閣古者射鄉居六藝之中聖人所重本

朝開國以來騎射精熟歷代罕有倫比旗人凡少長貴賤悉皆專心練習未有一人不嫻熟弓馬者士子應試必先試其騎射合式

方准入闈蓋恐其專習文藝或致騎射生疏故先以此試之即令部院堂司官亦每月如期在本旗教場該管都統佐領看練弓馬

所謂有文事者必有武備矧制立法之意誠深遠也近來文官外任之人漸漸不習於騎射若聽其因循怠惰將來必致騎射生疏

豈國家矧制立法之意乎凡旗人外任文官六十歲以下者限二年之內仍須熟練騎射儻二年後有不能騎射者該督撫即行參

劾若督撫徇隱經朕察知將督撫一併治罪○諭禮部明年乃會試之期春季適有閏月二月節候尚早各省舉子途次遠來及關

中考試恐其寒冷辛苦朕心軫念著將場期改至三月該部即行文諭知之嗣後會試之年遇有閏月該部先期奏聞○禮部遵旨議奏 聖祖仁皇帝忌辰每年應遵照周年祭祀之例恭讀祝文永遠舉行得旨是○以山東登萊青三府豐稔命巡撫發帑購米分貯濟南等屬米少之州縣○丙午諭內閣大學士朱軾將至京師著學士何國宗副都統永福迎勞賜食示朕眷念之意○諭吏部州縣為親民之官關繫緊要見在投供候補候選未用之人俱屬平常用之於不甚繁劇之州縣尚可供職若任繁劇必致貽誤地方及至督撫訪察題參事務已至廢弛著將在京候補候選無論已未投供驗到各項人員查明帶領引見○以吳襄為內閣學士

由翰林院侍○以福敏署湖廣總督馬齊暫署左都御史事○戊申移四川重慶府同知駐黔江裁酉陽司經歷一其雅州天全二司經歷瀘州九姓司吏目俱改設州同以資彈壓○壬子諭內閣賭博之事最壞人之品行若下等之人習此必至聚集匪類作

奸犯科放僞邪修之事多由此起若讀書居官之人習此必至廢時失事志氣昏濁何能立品上進乃向來屢申禁飭而此風尚未

止息深可痛恨若不嚴禁賭具究不能除賭博之源著京城內外及各省地方官將紙牌骰子悉行嚴禁不許貨賣違者重治其罪
嘗有窩賭之家誘人入局以取其利嗣後准輸錢之人自行出首免其賭博之罪仍追還所輸之銀錢庶使賭博之人有害而無利
則其風可以止息又見漢軍惡習常以工於馬弔互相誇尚夫既已居官則應辦之事務甚多日夕不遑尙恐違誤安有餘閒爲此
無益之戲且聞有上司與屬員鬪牌爲樂者尤非體統大玷官箴嗣後若有司官鬪牌賭博該管上司及該督撫指名題參至禁止
賭博宜如何定例之處該部議奏尋議定例旗人製造紙牌骰子售賣者照光棍爲從例擬絞監候而民人止於枷責所以不知畏
懼嗣後應將民人之製賣賭具及賭博者以充發杖流分別擬罪至官員賭博者革職永不敘用從之○癸丑諭內閣大學士朱軾
丁憂回籍朕本欲成全其志准其在籍守制三年但朕左右匡弼需人而營田水利工程亦係伊協同辦理之事故召令來京三年
之內不補原官准其素服凡朝會燕饗及應穿補服之處俱不必到俾伊得盡人子之心以展孝思當日怡親王遣伊母妃之喪
聖祖仁皇帝恩准素服三年今日朱軾謝可皆照此例著仍在內閣兼吏部都察院行走○以查郎阿署左都御史

由吏部奏
侍郎署

○乙

卯諭內閣九卿翰詹科道等查嗣庭向來趨附隆科多隆科多曾經薦舉朕令在內廷行走授爲內閣學士後見其語言虛詐兼有
狼顧之相料其心術不端從未信任及禮部侍郎員缺需人蔡瑛又復將伊薦舉今歲各省鄉試屆期朕以江西大省須得大員以
典試事故用伊爲正考官今閱江西試錄所出題目顯露心懷怨望譏刺時事之意料其居心澆薄乖張平日必有紀載遺人查其
寓所及行李中則有日記二本悖亂荒唐惡誹捏造之語甚多又於 聖祖仁皇帝用人行政大肆誹謗以翰林改授科道爲可恥
以裁汰冗員爲當厄以欽賜進士爲濫舉以戴名世獲罪爲文字之禍以趙晉正法爲 江南之流傳對向所致以科場作弊之知
縣方名正法爲冤抑以清書庶常復考讀書爲苛刻以庶常散館爲畏途以多選庶常爲蔓草爲厄運以殿試不完卷黜革之進士
爲非罪熱河偶然發水則書淹死官員八百人其餘不計其數又書雨中飛蝗蔽天似此一派荒唐之言皆未有之事而伊公然造
作書寫至其受人屬託代人營求之事不可枚舉又有科場關節及科場作弊書信皆甚屬詭秘今若但就科場題目加以處分則
天下之人必有以查嗣庭爲出於無心偶因文字獲罪爲伊稱屈者今種種實蹟見在尙有何辭以爲之解免乎爾等漢官讀書稽
古歷朝前代以來得天下未有如我朝之正者況 世祖 聖祖重熙累洽八十餘年深仁厚澤淪肌浹髓天下億萬臣民無不坐
享昇平之福我 皇考加恩臣下一視同仁及朕卽位以來推心置腹滿漢從無異視蓋以人之賢否不一各處皆有善良各處皆有
有奸惡不可以一人而聚眾人亦不可以一事而聚眾事朕惟以至公至平之心處之爾等當仰體朕心各抒誠悃交相勉勵殫竭
公忠無負平日立身立德之志或有一二心術不端者亦宜潛夜自省痛加悔改朕今日之諭蓋欲正人心維風俗使普天率土永
享昇平之福也爾等承朕訓旨當曉然明白勿存疑懼避忌之念但能恪慎供職屏去習染之私朕必知之朕惟以至誠待臣下臣

下有賁朕恩者往往自行敗露蓋普天率土皆受朝廷恩澤咸當知君臣之大義一心感戴若稍萌異志卽爲逆天之人豈能逃於誅戮報應昭彰纖毫不爽諸臣勉之戒之查嗣庭讀書之人受朕格外擢用之恩而伊逆天負恩諷刺呪詛大干法紀著將查嗣庭革職鞫問交三法司嚴審定擬○丁巳諭內閣爲士者乃四民之首一方之望凡屬編氓皆尊之奉之以爲讀聖賢之書列膠庠之選其所言所行俱可以爲鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧恥之心相戒勿令某人知之如古人之往事則民風何患不醇世道何患不復古耶朕觀今日之士雖不乏開戶勤修讀書立品之人而蕩檢踰閑不顧名節者亦復不少或出入官署包攬詞訟或武斷鄉曲欺壓平民或抗違錢糧藐視國法或代民交課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並且輕視聖賢之書矣士習不端民風何由而正其間關繫極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣蹟請行嚴懲者甚多朕思轉移化導之法當先端其本原教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儕視考課爲故套而學臣又但以衡文爲任教官之因循怠惰苟且塞責漫不加察所以倡率之本不立無怪乎士習之不端風俗之未醇也朕孜孜圖治欲四海之大萬民之眾皆嚮風慕義革薄從忠故特簡督學之臣慎重教官之職欲使自上而下端本澈源以收實效也凡爲學臣者務須持正秉公宣揚風化於教官之稱職者卽加薦拔溺職者卽行參革爲教官者訓誨士子悉秉誠心如父兄之誨諫子弟至於分別優劣必至公至當不涉偏私如此各盡其道則士子人人崇尚品誼砥礪廉隅不但自淑其身而羣黎百姓日聞善言日觀善行必共生感發之念風俗之丕變庶幾其可望也○戊午諸王文武大臣等合詞議奏阿其那塞思黑逆天大罪應戮屍示眾同黨之允禩允禩並應正法 上召入諭曰諸王大臣等所奏乃執法定罪至公之論但阿其那塞思黑戕伐冥誅其戮屍之罪著從寬免允禩乃狂妄無知之人爲阿其那塞思黑所愚入其邪黨聽其指揮尙非首惡故將伊摘禁於 壽皇殿之旁俟其悔改當日 皇考拘執阿其那之時允禩與塞思黑公然挺身保奏允禩且曾邀約朕躬伊等又私藏毒藥願與同死昨阿其那身故之後朕遣人詢問允禩云阿其那在 皇考之時爾原欲與之同死今伊身故爾若欲往看看若欲同死悉聽爾意比時允禩回奏我向來爲阿其那所愚今伊既伏冥誅我不願往看等語據此則允禩似有暫緩其誅以徐觀其後若竟不悛改仍蹈罪愆再行正法允禩癡庸卑鄙若將伊與阿其那等同列亦覺不稱今既已禁錮亦免其悔心之萌或伊僞作此語欲留其身以圖將來報復均未可定著正法○是月免山東德州歷城濟南東平等四十九州縣衛所上年水災額賦有差

冬十月庚申諭內閣部院大臣等朕宵旰勤勞勵精圖治諄諄以正人心端風俗爲首務而欲人心風俗同歸於善必先去其營求

謂說之私而後可以成公平之化大臣者羣僚之表率也職官者士庶之儀型也大臣不能去營求請託之私則標準不立而百僚士庶相習成風更無所底止矣外省督撫藩臬皆地方大吏其所辦理皆地方緊要之事若在京大臣以私情屬託必致進退人材不得其實聽斷獄訟不得其平種種倚仗勢力顛倒是非夤緣奔競之事皆由此起民生何由安吏治何由肅乎夫交以道接以禮聖人所不廢內外官員凡有問候書札及餽遺往來而無所干瀆者不必拒絕有闕說請託者宜嚴行禁止地方大吏正當謝絕知交屬託之私情以除向來相沿之陋習在廷諸臣亦可舉國法以謝親知秉公去私共襄移風易俗之化慎之勉之○諸王文武大臣等以十月三十日恭屆萬壽聖節合詞奏請慶賀得旨朕卽位以來事事效法皇考當日皇考聖誕未曾每歲行慶賀禮是以今年朕萬壽節禮部奏請慶賀朕降旨停止蓋皇考六十年來所行之事朕力能效法者無不遵奉施行其力所不能者則待朕勉於他日卽如皇考慎重武備每歲巡行邊塞校獵講武一事朕年來未一舉行而庸劣無知之官員及怠惰不堪之兵丁頗有以朕之不往爲是者此皆愚賤之人偷安自便不知大體之論國家武備關緊要不可一日廢弛朕之不往乃朕不及矣皇考之處朕自知之蓋皇考德盛化神睿思廣運巡幸所至日理萬幾略無曠缺與在宮中無異朕則從朝至夕殫竭心力尙恐經理未周實無暇及於校獵行圍之事此朕不及皇考者也皇考神武天授挽強貫札之能超越千古衆蒙古見之無不驚服而朕之騎射不及皇考矣皇考聖體康強如天行之常健春秋已高猶不減壯盛之時而朕之精力又不及皇考矣是以臨邊講武之事未曾舉行祇於前歲令皇子出口行圍以習訓練而武弁及旗員引見則皆試以騎射而後用之朕欲俟經理政事悉皆得宜卽當於農隙之時躬行獵狩之禮耳朕事事不及皇考惟有洞悉下情之處則朕得之於親身閱歷朕在藩邸四十餘年凡臣下之結黨懷奸貪緣請託欺罔蒙蔽陽奉陰違假公濟私之習皆深知灼見可以屈指而數者是以今日宵旰憂勤爲世道人心長久之計禁之不得不嚴訓之不得不切非好爲辨論自取煩勞也其他宣猷敷政實不及皇考之萬一惟有一惟有事事詎勉效法而行如萬壽節不行慶賀禮乃事之易行者著仍遵前旨○以吏部尚書內務府總管查弼納協理兵部尚書事署正藍旗漢軍都統黃國材協理兵部侍郎事○癸亥召佟吉圖來京以許容爲浙江布政使原任陝西按察使○甲子諭九卿等朕聞浙省風俗澆漓甚於他省若不力爲整頓挽回及其陷於重罪加之以刑實有不忍朕意專遣一官前往浙江省問風俗稽察奸僞應勸導者勸導之應懲治者懲治之務使紳衿士庶有所儆戒盡除浮薄慕陵之習歸於謹厚以昭一道同風之治其如何設立衙門鑄給關防之處著詳議具奏尋議查唐貞觀中置觀風俗使巡省天下觀風俗之得失今遣官前往浙江省問風俗稽察奸僞應援爲浙江等處觀風整俗使鑄給關防以重職守從之○諭禮部直省學臣三年任滿著於各學生員內選擇人品端方有猷有爲有守之士大省舉四五人小省二人送部引見酌用○以光祿寺卿王國棟爲浙江觀風整俗使○丙寅諭纂修實錄總裁官大學士張廷玉朕閱康熙四十九年實錄內載皇考褒獎朕之諭旨云朕之諸子多令人視養惟四阿哥朕親撫育能體朕意愛朕之心殷勤懇切可謂